

魏

書

三一



列傳第六十五

魏書七十七

舊

宋翻

辛雄

羊深

楊機

高崇

宋翻字飛烏廣平列人也吏部尚書弁族弟少有操尚世人以剛斷許之世宗初起家奉朝請本州治中廣平王郎中令尋拜河陰令翻弟道璵先爲冀州京兆王愉法曹行參軍愉反逼道璵爲官翻與弟世景俱囚廷尉道璵後棄愉

歸罪京師猶坐身死飛世景除名久之拜齋治
書侍御史洛陽令中散大夫相州大中正猶領
治書又遷左將軍南兗州刺史時蕭衍遣將先
據荆山規將寇竊屬壽春淪陷賊遂乘勢徑趨
項城齋遣將成僧達潛軍討襲頻戰破之自是
州境帖然孝莊時除司徒左長史撫軍將軍河
南尹初齋爲河陰令順陽公主家奴爲劫擄而
不送齋將兵圍主宅執主婿馮穆步驅向縣時
正炎暑立之日中流汗霑地縣舊有大柳時人

號曰彌尾青及麌爲縣主吏請焚之
麌曰且置
南牆下以待豪家未幾有內監楊小駒詣縣請
事辭色不遜命取尾青以鎮之既免入訴於世
宗世宗大怒勅河南尹推治其罪麌具自陳狀
詔曰卿故違朝法豈不欲作威以買名麌對造
者非臣買名者亦宜非臣所以留者非敢施於
百姓欲待兇暴之徒如小駒者耳於是威振京
師及爲洛陽迄於爲尹畏憚權勢更相承接故
當世之名大致減損永安三年卒於位贈侍中

衛將軍相州刺史出帝初重贈驃騎大將軍儀
同三司尚書左僕射雍州刺史謚曰貞烈

子思遠卒於司空從事中郎

毓弟毓字道和敦篤有志行平西將軍太中大夫

子世軌齊文襄王大將軍府祭酒

毓弟世景在良吏傳

世景弟叔集亦有學行征東裴衍之討葛榮也
表爲員外散騎侍郎引同戎役及衍敗同時遇

害

叔集弟道璵少而敏雋，世宗初以才學被召，與祕書丞孫惠蔚典校羣書。考正同異，自太學博士轉京兆王愉法曹行參軍。臨死作詩及挽詞，寄之親朋，以見怨痛。道璵又曾贈著作佐郎張始均詩，其末章云：「深懷璧，憂余有當門病。」道璵既不免難，始均亦遇世禍。時咸怪之，無子兄毓以第三子子叔繼。

辛雄字世賓，隴西狄道人。父暢字幼達，大將軍

諮議參軍汝南鄉郡二郡太守太和中本郡中正雄有孝性頗涉書史好刑名廉謹雅素不妄交友喜怒不形於色釋褐奉朝請父於郡遇患雄自免歸晨夜扶抱及父喪居憂殆不可識爲世所稱正始初除給事中十年不遷職乃以病免清河王懌爲司空辟戶曹參軍並當煩劇諍訟訟委遷司徒仍隨授戶曹參軍並當煩劇諍訟訟委雄用心平直加以開明政事經其斷割莫不悅服懌重之每謂人曰必也無訟乎辛雄其有焉

由是名顯憚遷太尉又爲記室參軍神龜中除
尚書駕部郎中轉三公郎其年沙汰郎官唯雄
與羊深等八人見留餘悉罷遣更授李琰等先
是御史中尉東平王元匡復欲輿棺諫諍尚書
令任城王澄劾匡大不敬詔怒死爲民雄奏理
匡曰竊惟白衣元匡歷奉三朝每蒙寵遇謇諤
之性簡自帝心鷹鸇之志形於在昔故高祖錫
之以匡名陛下任之以彈糾至若茹皓昇輦匡
斥宜下之言高肇當政匡陳擅權之表剛毅忠

款羣臣莫及骨鰱之跡朝野共知當高肇之時
匡造棺致諫主聖臣直卒以無咎假欲重造先
帝已容之於前陛下亦宜寬之於後况其元列
由緒與罪按不同也脫終貶黜不在朝廷恐杜
忠臣之口塞諫者之心乖琴瑟之至和違監梅
之相濟祁奚云叔向之賢可及十世而匡不免
其身實可嗟惜未幾匡除龍驤將軍平州刺史
右僕射元欽謂左僕射蕭寶夤曰至如辛郎中
才用省中諸人莫出其右寶夤曰吾聞游僕射

古得如雄者四五人共治省事足矣今日之賞
何其晚哉初廷尉少卿袁翻以犯罪之人經恩
競訴枉直難明遂奏曾染風聞者不問曲直推
爲獄成悉不斷理詔令門下尚書廷尉議之雄
議曰春秋之義不幸而失寧僭不濫僭則失罪
人濫乃害善人今議者不忍罪姦吏使出入縱
情令君子小人薰蕕猶不別豈所謂賞善罰惡窮
勤隱恤者也仰尋周公不減流言之愆俯惟釋
之不加驚馬之辟所以小大用情貴在得所失

之千里差在毫釐雄久執按牘數見疑訟職掌
三千願言者六一曰御史所糾有注其逃走者
及其出訴或爲公使本曹給過所有指如不推
檢文按灼然著雪之二曰御史赦前往獲見贓
不辨行賊主名檢無賂以置直之主宜應洗復
三曰經榜不引傍無三證比以獄按既成因即
除削或有據令奏復者與奪不同未獲爲通例
又須定何如得爲證人若必須三人對見受財
然後成證則於理太寬若傳聞即爲證則於理

太急今請以行賊後三人俱見物及證狀顯著
準以爲驗四曰赦前斷事或引律乖錯使陰復
失衷雖按成經赦宜追從律五曰經赦除名之
後或邀駕訴枉被旨重究或訴省稱冤爲奏更
檢事付有司未被研判遂遇恩宥如此之徒謂
不得異於常格依前按爲定若不合拷究已復
之流請不追奪六曰或受辭下檢反覆使鞫獄
證占分明理合清雪未及告按忽逢恩赦若從
證占而雪則違正格如除其名罪濫潔士以爲

罪須按成雪以占定若拷未畢格及要證一人
不集者不得爲占定古人雖患察獄之不精未
聞知冤而不理今之所陳實士師之深疑朝夕
之急務願垂察焉詔從雄議自後每有疑議雄
與公卿駁難事多見從於是公能之名甚盛又
爲祿養論稱仲尼陳五孝自天子至庶人無致
仕之文禮記八十一子不從政九十家不從政
鄭玄注云復除之然則止復庶民非公卿大夫
士之謂以爲宜聽祿養不約其年書奏肅宗納

之以母憂去任卒哭右僕射元欽奏雄起復爲
郎俄兼司州別駕加前軍將軍孝昌元年徐州
刺史元法僧以城南叛蕭衍遣蕭綜來據彭城
時遣大都督安豐王延明督臨淮王或討之磐
桓不進乃詔雄副太常少卿元誨爲使給齊庫
刀持節乘駟催軍有違即令斬決蕭宗謂雄曰
誨朕家諸子標以親懿籌策機計仗卿取勝耳
到軍勒令並進徐州緣送降款冀州刺史侯剛
啓爲長史肅宗以雄長於世務惜不許之更除

司空長史於時諸公皆慕其名欲屈爲佐莫能得也時諸方賊盛而南寇侵墳山蠻作逆肅宗欲親討以荊州爲先詔雄爲行臺左丞與前軍臨淮王或東趣葉城別將裴衍西通鷄路衍稽留未進或師已次汝濱北溝求救或以處分道別不欲應之雄曰今裴衍未至王士衆已集蠻左唐突撓亂近畿梁汝之間民不安業若不時撲滅更爲深害王秉麾闖外唯利是從見可而進何必守道苟安社稷理可專裁所謂良率

義而行不待命者也或恐後有得失之責要雄
符下雄以駕將親伐蠻夷必懷震動乘彼離
無往不破遂符或軍令速赴擊賊聞之果自走
散在軍上疏曰凡人所以臨堅陳而忘身觸白
刃而不憚者一則求榮名二則貪重賞三則畏
刑罰四則避禍難非此數事雖聖王不能勸其
臣慈父不能厲其子明主深知其情故賞必行
罰必信使親疎貴賤勇怯賢愚聞鍾鼓之聲見
旌旗之列莫不奮激競赴敵場豈厭久生而樂

早死也利害懸於前欲罷不能耳自秦隴逆節
將歷數年蠻左亂常稍已多載凡在我役摵
万人三方師衆敗多勝少跡其所由不明賞罰
故也陛下欲天下之早平愍征夫之勤悴乃降
明詔賞不移時然兵將之勲歷稔不使之亡軍之
卒晏然在家致令節士無所勸慕庸無質
憚進而擊賊死交而賞賊退而逃散身全而無
罪此其所以功望敵奔沮不肯進力者矣若重發
明詔更量賞罰則軍威必張賊難可弭臣聞必

不得已去食就信以此推之信不可斯須廢也
賞罰陛下之所易尚不能全而行之攻敵士之所難欲其必死寧可得也臣旣庸弱忝當戎使職司所見輒敢上聞惟陛下審其可否會若承闕肅宗詔僕射城陽王徽舉人徽遙舉雄仍除輔國將軍尚書右丞尋轉吏部郎中遷平東將軍光祿大夫郎中如故上疏曰帝王之道莫尚於安民安民之本莫加於禮律禮律旣設擇賢而行之天下雍熙無非任賢之功也故虞舜之

盛穆穆標美文王受命濟濟以康高祖孝文皇帝天縱大聖開復典謨選三代之異禮採三漢之典法端拱而四方安刑措而兆民治世宗重光繼軌每念聿修官人有道万里清謐陛下劬勞日昇躬親庶政求瘼恤民無時暫憩而黔首紛然兵車不息以臣愚見可得而言自神龜末來專以停年爲選士無善惡歲父先叙職無劇易名到授官執按之吏以差次日月爲功能銓衡之人以簡用老舊爲平直且庸劣之人莫

不貪鄙委斗筲以共治之重託碩鼠以百里之
命皆貨賄是求肆心縱意禁制雖煩不勝其欲
致令徭役不均發調違謬筭斂盈門囚執滿道
二聖明詔寢而不遵畫一之法懸而不用自此
夷夏之民相將爲亂豈有餘憾哉蓋由官授不
得其人百姓不堪其命故也當今天下黔黎久
經寇賊父死兄亡子弟淪陷流離艱危十室而
九白骨不收孤營靡恤財殫力盡無以卒歲宜
及此時早加慰撫蓋助陛下治天下者惟在守

令最須簡置以康國道但郡縣選舉由來共輕
貴遊雋才莫肯居此宜改其弊以定官方請上
等郡縣爲第一清中等爲第二清下等爲第三
清選補之法妙盡才望如不可並後地先才不
得拘以停年竟無銓革三載黜陟有稱者補在京
名官如前代故事不歷郡縣不得爲內職則人
思自勉上下同心枉屈可申彊暴自息刑政日
平民俗奉化矣復何憂於不治何恤於逆徒也
竊見今之守令清慎奉治則政平訟理有非

其才則綱維荒穢伏願陛下較足留天心校其利
害則臣言可驗不待終朝昔杜畿寬惠河東無
警蘇則分糧金城剋復略觀今古風俗遷訛罔
不任賢以相化革朝任夕治功可立待若遵常
習故不明選典欲以靜民便恐無日書奏會蕭
宗崩初蕭寶寅在雍州起逆城人俟衆德等討
逐之多蒙爵賞武泰中詔雄兼尚書爲關西賞
勲大使未行之間會爾朱榮入洛及河陰之難
人情未安雄潛竄不出莊帝欲以雄爲尚書門

下奏曰辛雄不出存亡未分莊帝曰寧失亡而
用之不可失存而不用也遂除度支尚書加安南
將軍元顥入洛也北中郎將楊侃從駕北出莊
帝以侃爲度支尚書及乘輿反洛復召雄上雄
面辭曰臣不能死事俛眉從賊乃是朝廷罪人
縱陛下不賜誅罰而北來尚書勲高義重臣宜
避賢路莊帝曰卿且還本司朕當別有處分遂
解侃尚書未幾詔雄以本官兼侍中關西慰勞
大使將發請事五條一言逋懸租調宜悉不徵

二言簡罰非時徭役以紓民命三言課調之際使豐儉有殊令州郡量檢不得均一四言兵起歷年死亡者衆或父或子辛酸未歇見存者老請假板職悅生者之意慰死者之魂五言喪亂既久禮儀罕習如有閨門和穆孝悌卓然者宜表其門閭仍啓曰臣聞王者愛民之道有六一曰利之二曰成之三曰生之四曰與之五曰樂之六曰喜之使民不失其時則成之也省刑罰則生之也薄賦斂則與之也無多徭役則樂

之也吏靜不苛則喜之也伏惟陛下道邁前王
功超往代敷春風而鼓俗旌至德以調民生之
養之正當茲日悅近來遠亦是今時臣既忝將
命宣揚聖澤前件六事謂所宜行若不除煩攷
疾惠孤恤寡便是徒乘官駟虛號王人往還有
費於郵亭皇恩無逮於民俗謹率愚管敢以陳
聞乞垂覽許莊帝從之因詔民年七十者授縣
八十者授郡九十加四品將軍百歲從三品將
軍三年遷鎮南將軍都官尚書行河南尹普泰

時爲鎮軍將軍殿中尚書又加衛將軍右光祿大夫秦州大中正太昌中又除殿中尚書兼吏部尚書尋除車騎大將軍左光祿大夫仍嘗書永熙二年三月又兼吏部尚書於時近習專恣請託不已雄懼其譖慝不能確然守正論者頗譏之出帝南狩雄兼左僕射留守京師永熙末兼侍中帝入關右齊獻武王至洛於永寧寺集朝士責讓雄及尚書崔孝芬劉欽楊機等曰爲臣奉主扶危救亂若處不諫諍出不陪隨緩

則耽寵急便竄避臣節安在諸人默然不能對
雄對曰當主上信狎近臣雄等不與謀議及乘
輿西邁若即奔隨便恐跡同僚黨留待大王便
以不從蒙責雄等進退如此不能自委溝壑實
爲慙負王復責曰卿等備位納言當以身報國
不能盡忠依附詔伎未聞卿等諫諍一言使國
家之事勿心至於此罪欲何歸也乃誅之時年五
十沒其家口二子士璡士貞逃入關中

雄從父兄纂字伯將學涉文史溫良雅正初爲

兗州安東府主簿與祕書丞同郡李伯尚有舊
伯尚與咸陽王禧同逆逃竄投篡事覺坐免官
積十餘年除奉朝請稍轉太尉騎兵參軍每爲
府主清河王懌所賞及欲定考懌曰辛騎兵有
學有才宜爲上第轉越騎校尉尚書令李崇北
伐蠕蠕引爲錄事參軍臨淮王或北征以篡隨
崇有稱啓爲長史及廣陽王淵北伐又引爲長
史尋拜諫議大夫雅爲或所稱歎屢在朝廷薦
舉之蕭衍遣將曹義宗攻新野詔篡持節兼尚

書左丞南道行臺率衆赴接至便破之義宗等
以其勁速不敢復進於時海內多虞京師更無
繼援惟以二千餘兵捍禦疆場又詔爲荊州軍
司除驍騎將軍加輔國將軍纂善撫將士人多
用命賊甚憚之會肅宗崩諱至咸以對敵欲祕
凶問纂曰安危在人豈關是也遂發喪號哭三
軍縞素還入州城申以盟約尋爲義宗所圍相
率固守莊帝即位除通直散騎常侍征虜將軍
兼尚書仍行臺後大都督費穆擊義宗擒之

城因舉酒屬纂曰微辛行臺之在斯吾亦無由
建此功也入朝言於莊帝稱纂固節危城宜蒙
爵賞以勸將來帝乃下詔慰勉之尋除持節平
東將軍中郎將賜綃五十匹金裝刀一口永安
二年元顥乘勝卒至城下余朱世隆狼狽退還
城內空虛遂爲顥擒及莊帝還宮纂謝不守之
罪帝曰於時朕亦北巡東軍不守豈卿之過還
鎮虎牢俄轉中軍將軍滎陽太守民有姜洛生
康乞得者舊是太守鄭仲明左右豪猾偷竊境

卷之三
內爲患篡伺捕擒獲梟於郡市百姓忻然加鎮
東將軍太昌中除左光祿大夫篡僞寓洛陽乃
爲河南邑中正永熙三年除使持節河內太守
齊獻武王赴洛兵集城下篡出城謁王曰篡受
詔於此本有禦防大王忠貞王室扶獎顛危篡
敢不匍匐王曰吾志去姦佞以康國道河內此
言深得王臣之節因命前侍中司馬子睿吾
行途疲弊宜代吾執河內手也便入洛九月行
西荊州事兼尚書南道行臺尋正刺史時蠻酋

樊五能破析陽郡應宇文黑懶纂議欲出軍討
之纂行臺郎中李廣諫曰析楊四面無民唯一
城之地耳山路深險表裏羣蠻今若少遣軍則
力不能制賊多遣則減徵防衛根本虛弱脫不
如意便大挫威名人情一去州城難保纂曰豈
得縱賊不討令其爲患日深廣曰今日之事唯
須万全且慮在心腹何暇疥癬聞臺軍已破洪
威計不久應至公但約勒屬城使各修完壘壁
善撫百姓以待救兵雖失析陽如棄雞肋纂旨

卿言自是一途我意以爲不爾遂遣兵攻之不克而敗諸將因亡不返城人又密招西賊黑獵遣都督獨孤如願率軍潛至突厥城遂至廳閣纂左右惟五六人短兵接戰爲賊所擒遂害之贈都督定殷二州諸軍事驃騎大將軍尚書左僕射司徒公定州刺史

子子炎武定中博陵太守

雄從祖曇護以謹厚見稱卒於并州州都
子熾武定中衛將軍右光祿大夫

雄族祖琛字僧貴父敬宗延興中代郡太守琛
少孤曾過友人見其父母兄弟悉無恙垂涕久
之釋褐奉朝請滎陽郡丞太守元麗性頗使酒
琛每諫之麗後醉輒令閉閣曰勿使丞入也高
祖南征麗從輿駕詔琛即委卿郡事如太守也
景明中爲伏波將軍濟州輔國府長史轉奉車
都尉出爲揚州征南府長史刺史李崇多事產
業琛每諍折崇不從遂相糾舉詔並不問後加
龍驤將軍帶南梁太守崇因置酒謂琛曰長史

後必爲刺史但不知得上佐何如人耳琛對曰
若万一叨忝得一方正長史朝夕聞過是所願
也崇有慙色卒於官琛寬雅有度量涉獵經史
喜愠不形於色當官奉法在所有稱

長子悠字元壽早有器業爲侍御史監揚州軍
賊平錄勲書時崇猶爲刺史欲寄人名悠不許
崇曰我昔值其父今復逢其子早卒

悠弟俊字叔義有文才東益州征虜府外兵參
軍府主魏子建爲山南行臺以爲郎中有軍國

機斷還京於滎陽爲人劫害贈征虜將軍東

秦州刺史

俊弟術武定末散騎常侍

術弟休字季令

休弟脩字季緒俱有學尚亦早卒時人傷惜之
琛族子珍之少有氣力太尉鎧曹行參軍稍遷
中堅將軍司徒錄事參軍廣州大中正憂去
任尋起爲汝北太守永安中司空諮議參軍通
直常侍永熙中襄城太守天平初洛州以南人

情駭懼勑爲大使持節慰諭廣洛二州三年除
征東將軍行陽平郡事郡民路黑奴起逆攻郡
爲黑奴所執諸賊勸殺之黑奴曰成敗未可知
何爲先殺太守也乃將珍之自隨待遇以禮右
衛將軍郭瓊討平黑奴乃得免興和中爲衛將
軍司徒司馬武定三年除驃騎將軍北海太守
還爲儀同開府長史兼光祿少卿未幾詔珍之
持節爲廣洛北荆揚雍襄六州慰勞大使北荆
鎮城行廣州事招納有稱齊文襄王遣書慰勉

賜以衣帛尋勑行平州卒於官贈驃騎大將軍
洛州刺史謚曰恭

子懿武定末開府鎧曹參軍

羊深字文淵太山平陽人梁州刺史祉第二子

也早有風尚學涉經史好文章兼長几案少與

隴西李神雋同志相友自司空府記室參軍轉

輕車將軍尚書騎兵郎尋轉駕部郎右軍將軍

于時沙汰郎官務精才實深以才堪覓留在公

明斷尚書僕射崔亮吏部尚書甄琛咸敬重之

肅宗行釋奠之禮講孝經濟輩輩之中獨蒙引聽時論美之正光末北地人車金雀等帥羌胡反叛高平賊宿勤明達寇幽夏諸州北海王顯爲都督行臺討之以深爲持節通直散騎常侍行臺左丞軍司仍領郎中顯敗還京頃之遷尚書左丞加平東將軍光祿大夫蕭寶夤反攻圍華州王平薛鳳賢等聚衆作逆勑深兼給事黃門侍郎與大行臺僕射長孫稚共會潼關規模進止事平以功賜爵新泰男靈太后曾幸邙山集

僧尼齋會公卿盡在座會事將終太后引見深
欣然勞問之深謝曰臣蒙國厚恩並荷榮遇寇
難未平是臣憂憲責而隆私忽被犬馬知歸太后
顧謂左右曰羊深眞忠臣也舉坐傾心孝昌未
徐方多事以深爲東道慰勞使即爲三徐行臺
莊帝踐祚除安東將軍太府卿又爲三兌行臺
深處分軍國損益隨機亦有時譽初余朱榮殺
害朝士深第七弟侃爲太山太守性麤武遂率
鄉人外託蕭衍深在彭城忽得侃書招深同逆

深慨然流涕斬侃使人并書表聞莊帝乃下詔
曰羊侃作逆霧起瑕丘擁集不逞扇擾疆場傾
宗之禍侃乃自貽累世之節一朝毀汙羊深血
誠奉國秉操罔貳聞第猖勃自効請罪此之丹
款實戢干懷且叔向復位春秋稱美深之慷慨
氣同古人忠列遠彰赤心已著可令還朝面受
委勅乃歸京師除名久之除撫軍將軍金紫光
祿大夫元顥入洛以深兼黃門郎顥平免官後
拜大鴻臚卿普泰初遷散騎常侍衛將軍右光

祿大夫監起居注自天下多事東西二省官貢
委積前廢帝勅深與常侍盧道虔元晏元法壽
選人補定自奉朝請以上各有沙汰尋兼侍中
廢帝甚親待之是時膠序廢替名教陵遲深乃
上疏曰臣聞崇禮建學列代之所修尊經重道
百王所不易是以均塾洞啓昭明之頌載揚膠
序大闢都穆之詠斯顯伏惟大魏乘乾統物欽
若奉時模唐軌虞率由前訓重以高祖繼聖垂
衣儒風載蔚得才之盛如彼薪揩固以追隆周

而並驅駕炎漢而獨邁宣皇下武式遵舊章用能揄揚盛列筆修厥美自茲已降世極道消風猷稍遠澆薄方競退讓寂寥馳競靡節進必更能外非學藝是使刀筆小用計日而期榮專經大才甘心於陋巷然治之爲本所貴得賢苟值其人豈拘常檢三代兩漢異世間出或釋褐中林攀登卿尹或投竿釣渚徑外公相事炳丹青義在往策彼哉邈乎不可勝紀竊以今之所用弗修前矩至如當世通儒冠時盛德見徵不過

四門登庸不越九品以此取士求之濟治譬言猶
却行以及前之燕而尚楚積習之不可者其所
由來漸矣昔魯興泮宮頌聲爰發鄭廢學鬱
風以譏將以納民軌物莫始於經禮聖門義育才
義光於篇什自兵亂以來垂將十載于戈日陳
俎豆斯闕四海荒涼民物凋敝名教頓虧風流
殆盡世之陵夷可爲歎息陛下中興纂曆理運
惟新方隅稍康實惟文德但禮賢崇讓之科公
世未備還淳反樸之化起言斯繆夫先黃老而

退六經史遷終其成蠹貴玄虛而賤儒術應氏
所以元言臣雖不敏敢忘前載且魏武在戎尚
修學校宣尼確論造次必儒臣愚以爲宜重修
國學廣延胄子使函文之教日聞釋奠之禮不
闕并詔天下郡國興立儒教考課之程咸依舊
典苟經明行修宜擢以不次抑斗筲喋喋之才
進大雅汪汪之德博收鴻生以光顧問摯維竒
異共精得失使區寰之內競務仁義之風荒散
之餘漸知禮樂之用豈不美哉臣誠闇短敢慕

前訓用稽古義上塵聽覽伏願陛下垂就日之
監齊非煙之化儻以臣言可採乞特施行廢帝
善之出帝初拜中書令頃之轉車騎大將軍左
光祿大夫永熙三年六月以深兼御史中尉東
道軍司及出帝入關深與樊子鵠等同逆於充
州子鵠署深爲齊州刺史於太山博縣商王村
結壘招引山齊之民天平二年正月大軍計破
之於陳斬深

子肅武定末儀同開府東閣祭酒

楊機字顯略天水冀人祖伏恩郡功曹赫連屈
平時將家奔洛陽因以家焉機少有志節爲士
流所稱河南尹李平元暉並召署功曹暉尤委
以郡事或謂暉曰弗躬弗親庶人弗信苟得委
事於機高卧而已暉曰吾聞君子勞於求士逸
於任賢故前代有坐嘯之人主諾之守吾旣委
得其才何爲不可由是聲名更著解褐奉朝請
於時皇子國官多非其人詔選清直之士機見
舉爲京兆王愉國中尉愉甚敬憚之遷給事中

伏波將軍廷尉評延昌中行河陰縣事機當官
正色不避權勢明達政事斷獄以情甚有聲譽
平東將軍荊州刺史楊大眼啓爲其府長史熙
平中爲涇州平西府長史尋授河陰令轉洛陽
令京輦伏其威風希有干犯凡訴訟者一經其
前後皆識其名姓并記事理母咸異之遷鎮軍
將軍司州治中轉別駕荊州蠻叛兼尚書左丞
南道行臺討之還除中散大夫復爲別駕州牧
高陽王雍事多委機出除清河內史轉左將軍

河北太守並有能名建義初拜平南將軍光祿大夫兼廷尉卿又除安南將軍司州別駕未幾行河南尹轉廷尉卿徙衛尉卿出除安西將軍華州刺史永熙中衛將軍右光祿大夫尋除度支尚書機方直之父而彌厲奉公正己爲時所稱家貧無馬多乘小犢車時論許其清白與辛雄等並誅年五十九

子毗羅解褐開府參軍事卒於鎮遠將軍
機兄順字元信梁郡太守

順子僧靜武定中太中大夫

機兄子虬少有公幹頗爲司州記室戶曹從事早卒

高崇字積善勃海蓀人四世祖撫晉永嘉中與兄顧避難奔於高麗父潛顯祖初歸國賜爵開陽男居遼東詔以沮渠牧犍女賜潛爲妻封武威公主拜駙馬都尉加寧遠將軍卒崇少聰敏以端謹見稱徵爲中散稍遷尚書三公郎家資富厚僮僕千餘而崇志尚儉素車馬器服充事

而已自修潔與物無競初崇舅氏坐事誅公主
痛本生絕胤遂以崇繼牧犍後改姓沮渠景明
中啓復本姓襲爵遷領軍長史伏波將軍洛陽
令爲政清斷吏民畏其威風每有發摘不避彊
禦縣內肅然朝廷方有遷授會病卒年三十七
贈漁陽太守永安二年復贈征虜將軍滄州刺
史謚曰成初崇謂友人曰仲尼四科德行爲首
人能立身約已不忘典訓斯亦足矣故吾諸子

子謙之字道讓少事後母李以孝聞李亦撫育
過於己生人莫能辨其兄弟所出同異論者兩
重之及長屏絕人事專意經史天文算曆圖緯
之書多所該涉日誦數千言好文章留意考易
襲爵釋褐奉朝請加宣威將軍轉奉車都尉廷
尉丞正光中尚書左丞元孚慰勞蠕蠕反被拘
留及蠕蠕大掠而還置孚歸國事下廷尉卿及
監以下謂孚無坐惟謙之以孚辱命以流罪
尚書同卿執詔可謙之奏孝昌初行河陰縣令

先是有人囊盛瓦礫指作錢物詐市人馬因逃去詔令追捕必得以聞謙之乃偽枷一囚立於馬市宣言是前詐市馬賊今欲刑之密遣憲察市中私議者有二人相見忻然曰無復憂矣執送按問具伏盜馬徒黨悉獲并出前後盜竊之虧資貨甚多遠年失物之家各來得其本物具以狀奏尋詔除寧遠將軍正河陰令在縣二年捐益治體多爲故事第道穆爲御史在公亦有能名世美其父子兄弟並著當官之稱舊制

二縣令得面陳得失時佞幸之輩惡其有所發
聞遂共奏罷謙之乃上疏曰臣以無庸謬宰神
邑實思奉法不撓稱是官方酬朝廷無貲之恩

盡人臣守器之節但豪家支屬戚里親媾繩紐

所及舉目多是皆有盜憎之色咸起怨上之心

縣令輕弱何能克濟先帝昔發明詔得使面陳

所懷臣亡父先臣崇之爲洛陽令常得入奏是

非所以朝貴斂手無敢干政近日以來此制遂

寢致使神宰威輕下情不達今二聖遠邇堯舜

憲章高祖愚臣望策其駑蹇少立功名乞新舊
典更明往制庶姦豪知禁頗自屏心詔曰此啓
深會朕意付外量聞謙之又上疏曰臣聞夏德
中微少康成克復之主周道將廢宣王立中興
之功則知國無常安世無恒弊唯在明主所以
變之有方化之有道耳自正光已來邊城屢擾
命將出師相繼於路軍費戎資委輸不絕至如
弓格賞募咸有出身槊刺斬首又蒙階級故四
方壯士願征者多各名爲己公私兩利若使軍

必得其人賞勲不失其實則何賊不平何征
不捷也諸守帥或非其才多遣親者妄稱入募
別倩他人引弓格虛受征官身不赴陳惟遺奴
客充數而已對寇臨敵曾不彎弓則是王爵虛
加征夫多闕賊虜何可殄除忠貞何以勸誠也
且近習侍臣戚屬朝士請託官曹擅作威福如
有清貞奉法不爲回者咸共譖毀橫受罪罰在
朝顧望誰肯申聞蔽上擁下虧風壞政使讒諂
甘心忠讐息義況且頻年以來多有徵發民不

堪命動致流離苟保妻子競逃王役不復顧其
桑井憚比刑書正由還有必困之理歸無自安
之路若聽歸其本業徭役微輕則還者必衆墾
田增闢數年之後大獲課民今不務以理還之
但欲嚴符切勒恐數年之後走者更多安業無
幾故有國有家者不患民不我歸唯患政之不
立不恃敵不我攻唯恃吾不可侮此乃千載共
遵百王一致且琴瑟不韻知音改弦更張駢駢
未調善御執轡成組謳玄迷而知反得道不遠

此言雖小可以諭大陸下一日方機事難周覽
元凱結舌莫肯明言臣雖庸短世受榮祿竊慕
前賢匪躬之義不避斧鉞之誅以希二言之益
伏願少垂臨覽察略加推採使朝章重舉軍威更
振海內起惟新之歌天下見復禹之績則臣奏
之後笑入下泉靈太后得其疏以責左右近侍
諸寵要者由是疾之乃啓太后云謙之有學藝
宜在國學以訓胄子詔從之除國子博士謙之
與袁翻常景酈道元溫子昇之徒咸申款舊好

於贍恤言諾無虧居家僮隸對其見不撻其交
母生三子便免其一世無髡黥奴婢常稱俱粟
人體如何殘害以父舅氏沮渠蒙遜曾據涼土
國書漏闕謙之乃修涼書十卷行於世涼國盛
事佛道爲論貶之因稱佛是九流之一家當世
名士競以佛理來難謙之還以佛義對之竟不
能屈以時所行歷々未盡善乃更改元修撰爲
一家之法雖未行於世議者歎其多不能於時朝
議鑄錢以謙之爲鑄錢都將長吏乃上表求鑄

三銖錢曰蓋錢貨之立本以通有無便交易故
錢之輕重世代不同太公爲周置九府圜法至
景王時更鑄大錢秦兼海內錢重半兩漢興以
秦錢重改鑄榆莢錢至文帝五年復爲四銖孝
武時悉復銷壞更鑄三銖至元狩中變爲五銖
又造赤仄之錢以一當五王莽攝政錢有六等
大錢重十二銖次九銖次七銖次五銖次三銖
次一銖魏文帝罷五銖錢至明帝復立孫權江
左鑄大錢一當五百權赤烏年復鑄大錢一當

千輕重大小莫不隨時而變竊以食貨之要八
政爲首聚財之貴詒訓典文是以昔之帝王乘
天地之饒御海內之富莫不腐紅粟於太倉藏
朽貫於泉府儲畜旣盈民無困敝可以寧謐四
極如身使臂者矣昔漢之孝武地廣財豐外事
四戎遂虛國用於是草萊之臣出財助國興利
之計納稅廟堂市列榷酒之官邑有告緝之令
鹽鐵旣興錢幣屢改少府遂豐上林饒積外闢
百蠻內不增賦者皆計利之由也今羣妖未息

四郊多壘徵稅既煩千金日費資儲漸耗財用
將竭誠楊氏獻說之秋桑兒言利之日夫以西
京之盛錢猶屢改並行小大子母相權況今寇
難未除州郡淪敗民物凋零軍國用少別鑄小
錢可以富益何損於政何妨於人也且政興不
以錢大政衰不以錢小惟貴公私得所政化無
虧旣行之於古亦宜效之於今矣昔禹遭大水
以歷山之金鑄錢救民之困湯遭大旱以莊山
之金鑄錢贖民之賣子者今百姓窮悴甚於曩

日欽明之主豈得垂拱而觀之哉臣今此鑄以濟交之五銖之錢任使並用行之無損國得其益穆公之言於斯驗矣臣雖術愧計然識非心筭暫充錢官頗覩其理苟有所益不得不言脫以爲疑求下公卿博議如謂爲允即乞施行詔將從之事未就會卒初謙之弟道穆正光中爲御史糾相州刺史李世哲事大相挫辱其家恒以爲憾至是世哲弟神軌爲靈太后深所寵任直謙之家僅訴良神軌左右之入諷尚書判禁

謙之於廷尉時將赦神軌乃啓靈太后發詔於
獄賜死時年四十二朝士莫不哀之所著文章
百餘篇別有集錄永安中贈征虜將軍營州刺
史謚曰康又除一子出身以明冤屈謙之妻
山張氏明識婦人也教勸諸子從師受業常誠
之曰自我爲汝家婦未見汝父一日不讀書汝
等宜各修勤勿替先業

謙之長子子儒字孝禮元顥入洛其叔道穆從
駕北巡子儒後踰河至行宮莊帝見之具訪洛

中事意子儒備陳元顥敗在旦夕帝謂道穆曰
卿初來日向故不與子儒俱行對曰臣家百口
在洛須其經營且欲其今日之來知京師後事
帝曰子儒非直合卿本懷亦大慰朕意仍授祕
書郎中轉通直郎後除安東將軍光祿大夫司
徒中兵參軍兼祭酒襲爵興和初除兼殿中侍
御史時四方多有流民子儒爲梁州北豫西兗
三州檢戶使所獲甚多後以公事去官武定六年
卒時年四十

子儒弟緒字叔宗明悟好學謙之常謂人曰興

吾門者當是此兒及長涉獵書傳好文詠司空

行參軍轉長流參軍除鎮遠將軍冀州儀同府

中兵參軍爲府主封隆之所賞隆之行梁州濟

州引自隨恒令總攝數郡武定三年卒年三十

二

緒弟孝貞武定中司徒士曹參軍

孝貞弟孝幹司空東閣祭酒

謙之弟恭之字道穆行字於世學涉經史非名

流雋士不與交結幼孤事兄如父母每謂人曰
人生厲心立行貴於見知當使夕脫羊裘朝佩
珠玉者若時不我知便須退迹江海自求其志
御史中尉元匡高選御史道穆奏記於匡曰道
穆生自蓬簷長於陋巷頗獵羣書無純碩之德
尚好章詠乏毗談之工雖欲廁影騤徒班名俊
伍其可得哉然凝明獨斷之主雄才不世之君
無藉朽株之資求人屠鈞之下不牽閭投之謂
取士商歌之中是以聞英風而慷慨望雲路而

低徊者天下皆是也若得身隸繡衣名充直指
雖謝周生騎上之敏實有茅氏就鑊之心匡大
喜曰吾久知其人適欲召之遂引爲御史其所
糾摘不避權豪臺中事物多爲匡所顧問道穆
曾進說於匡曰古人有言罰一人當取千万人
懼豺狼當道不問狐狸明公荷國重寄宜使天
下知法匡深然之正光中出使相州刺史李世
哲即尚書令崇之子貴盛一時多有非法逼買
民宅廣興屋宇皆置鴟尾又於馬埒堠上爲木

人執節道穆繩糾悉毀去之并發其贓貨具以表聞又余朱榮討蠕蠕道穆監其軍事榮甚憚之還除奉朝請俄除太尉鎧曹參軍蕭寶夤西征以道穆爲行臺郎中軍機之事多以委之大都督崔延伯敗後賊勢轉彊屢請益兵朝廷不許寶夤謂道穆曰非卿一行兵無益理遂令乘傳赴洛靈太后親問賊勢道穆具以狀對太后怒曰比來使人皆言賊弱卿何獨云其彊也道穆曰前使不實者當是冀陛下恩顏望露爵賞

臣旣忝使人不敢虛妄願令近臣親檢足知虛
實事訖當反遇病不行後屬兄謙之被害情不
自安遂託身於莊帝帝時爲侍中特相欽重引
居第中深相保護俄而帝以兄事見出道穆懼
禍乃攜家趣濟陰變易姓名往來於東平畢氏
以避時難莊帝即位嘗爲掌書三公郎中加寧
朔將軍尋兼吏部郎中與薛暉尚書使晉陽
授冗朱榮職賜爵龍城侯九月除太尉長史領
中書舍人遭母憂去職帝令中書舍人溫子昇

就宅弔慰詔攝本任表辭不許三年加前軍將軍及元顥逼虎牢城或勸帝赴關西者帝以問道穆道穆對曰關中今日殘荒何由可往臣謂元顥兵衆不多乘虛深入者由國家將帥征捍不得其人耳陛下若親率宿衛高募重賞督城一戰臣等竭其股肱之力破顥孤軍必不疑矣如恐成敗難測非万乘所履便宜車駕北渡循河東下徵大將軍天穆合於滎陽向虎牢別徵介朱王軍令赴河內以掎角之旬月之間何往

不剋臣竊謂方全之計不過於此帝曰高舍人語是其夜到河內郡北未有城守可依帝命道穆秉燭作詔書數十紙布告遠近於是四方知乘輿所在除中軍將軍給事黃門侍郎安喜縣開國公食邑千戶於時余朱榮欲回師待秋道穆謂榮曰元顥以蕞爾輕兵奄據京洛使乘輿飄露人神恨憤主憂臣辱良在於今大王擁百万之衆輔天子而令諸侯自可分兵河畔縛筏造船處處遣渡徑擒羣賊復主宮闈此桓文之

舉也且一日縱敵數世之患今若還師令顯重
完守具徵兵天下所謂養虺成蛇悔無及矣榮
深然之曰楊黃門已陳此計當更議決耳及
莊帝反政因宴次謂余朱榮曰前若不用高黃
門計則社稷不安可爲朕勸其酒令醉榮對曰
臣本北征蠕蠕高黃門與臣作監軍臨事能決
實可任用除征南將軍金紫光祿大夫兼御史
中尉尋即貞仍兼黃門道穆外秉直繩內參機
密凡是益國利民之事必以奏聞諫諍極言無

所顧憚選用御史皆當世名輩李希宗李繪陽
休之陽斐封君義邢子明蘇淑宋世良等四人
於時用錢稍薄道穆表曰四民之業錢貨爲
本救弊改鑄王政所先自頃以私鑄薄濫官司
糾繩挂網非一在市銅價八十一文得銅一斤
私造薄錢斤餘二百旣示之以深利又隨之以
重刑羅罪者雖多姦鑄者彌衆今錢徒有五銖
之文而無二銖之實薄甚榆莢上貫便破置之
水上殆欲不沈此乃因循有漸科防不切朝廷

之愆彼復何罪昔漢文帝以五分錢小改鑄四
銖至武帝復改三銖爲半兩此皆以大易小以
重代輕也論今據古宜改鑄大錢文載年號以
記其始則一斤所成止七十六文銅價至賤五
十有餘其中人功食料錫炭鉛沙縱復私營不
能自潤直置無利自應息心況復嚴刑廣設也
以臣測之必當錢貨永通公私獲允後遂用楊
侃計鑄永安五銖錢僕射余朱世隆當朝權盛
因內見衣冠失儀道穆便即彈糾帝姊壽陽公

主行犯清路執赤棒卒呵之不止道穆令卒棒
破其車公主深以爲恨泣以訴帝帝謂公主曰
高中尉清直之人彼所行者公事豈可私恨責
之也道穆後見帝帝曰一日家姊行路相犯極
以爲愧道穆免冠謝曰臣蒙陛下恩守陛下法
不敢獨於公主虧朝廷典章以此負陛下帝曰
朕以愧卿卿反謝朕尋勅監儀注又詔曰祕書
圖籍所在內典書又加繕寫細素委積蓋有
年載出內繁蕪多致零落可令御史中尉兼給

事黃門侍郎道穆惣集帳目并牒儒學之士編
此次第道穆又上疏曰臣聞舜命臯陶姦宄是
託禹泣臯人堯心爲念所以舉直措枉事臯襄
賢明德慎罰議存先典高祖太和之初置廷尉
司直論刑辟是非雖事非古始交濟時要所謂
禮樂互興不相訛襲者矣臣以無庸忝當今任
所思報效未忘寢興但識謝知今業慙稽古未
能進一言以利國說一策以興邦索米長安豈
不知愧至於職司其憂猶望値俛竊見御史出

使悉受風聞雖時獲罪人亦不無枉濫何者得
堯之罰不能不怨守令爲政容有愛憎姦猾之
徒恒思報惡々々有妄造無名共相誣謗御史一
經檢究恥於不成杖木之下以虛爲實無罪不
能自雪者豈可勝道哉臣雖愚短守不假器繡
衣所指冀以清肅若仍踵前失或傷善人則尸
祿之責無所逃罪所以夙夜爲憂思有悛革如
臣鄙見請依太和故事還置司直十人名隸廷尉
秩以五品選歷官有稱心平性正者爲之御史

若出糾劾即移廷尉令知人數廷尉遣司直與
御史俱發所到州郡分居別館御史檢了移付
司直覆問事訖與御史俱還中尉彈聞廷尉科
按一如舊式庶使獄成罪定無復稽寬爲惡取
敗不得稱枉若御史司直糾劾失實悉依所斷
獄罪之聽以所檢迭相糾發如二使阿曲有不
盡理聽罪家詣門下通訴別加按檢如此則肺
石之傍怨訟可息叢棘之下受罪吞聲者矣詔
從之復置司直及余朱榮之死也帝召道穆付

赦書令宣於外因謂之曰自今日後當得精選
御史矣先是榮等常欲以其親黨爲御史故有
此詔及余朱世隆等率其部類戰於大夏門北
道穆受詔督戰又贊成太府卿李苗斷橋之計
世隆等於是北遁加衛將軍假車騎將軍大都
督兼尚書右僕射南道大行臺又除車騎將軍
餘官如故時雖外託征蠻而帝恐北軍不利欲
爲南巡之計未發會余朱兆入洛道穆慮禍及
已託病去官世隆以道穆忠於前朝遂害之時

年四十二太昌中贈使持節都督雍秦二州諸騎大將軍儀同三司雍州刺史

子士鏡襲爵爲北豫州刺史高仲密擁入關道穆弟謹之繼沮渠氏後卒於滄州平東府主簿年三十五贈通直郎無子

謹之弟愼之字道密好學有諸兄風年二十三卒無子以兄謙之第二子緒繼焉

史臣曰宋鼴剛鯁自立猛而斷務辛雄以吏能歷職任智效官羊深以才幹從事聲迹可紀

機清斷在公高崇明濟爲用謙之兄弟咸政事
之敏飾學有聞列于朝廷豈徒然也深失之晚
節至於顛覆惜乎

列傳第六十五

魏書七十七

列傳六十五

四十一

列傳第六十六

魏書七十八

孫紹

張普惠

孫紹字世慶昌黎人世仕慕容氏祖志卒

於濟陽太守父協字文和上黨太守紹少好學

通涉經史頗有文才陰陽術數多所貫涉初為

校書郎稍遷給事中自長兼羽林監為門下錄

事朝廷大事好言得失遂為世知曾著釋典論

雖不具美時有可存與常景等共脩律令延昌

中紹表曰臣聞建國有計雖危必安施化能和

雖寡必盛治乖人理雖合必離作用失機雖成必敗些古同然百王之定法也伏惟大魏應天明命光啟無窮畢世後仁祚隆七百今二號京門下無嚴防南北二中復關固守長安鄴城股肱之寄穰城上黨腹背所憑四軍五校之軌領護分事之式徵兵儲粟之要舟車水陸之資山河要害之權緩急去來之用持平赴救之方節用應時之法特宜脩置以固堂堂之基持盈之體何得而忽居安之辰故應危懼矣且法

開清濁而清濁不平申滯理望而單寒亦免士
庶同悲兵徒懷怨中正賣望於下里按舞筆
於臺眞僞混淆知而不糾得者不欣失者倍
怨使門齊身等而涇渭奄殊類應同役而苦樂
懸異主人居職不以爲榮兵士役苦心不忘亂
故有競棄本出飄藏他土或詭名託養散在人
間或亡命山藪漁獵爲命或投仗彊豪寄命衣
食又應遷之戶逐樂諸州應留之徒避寒歸暖
兼職人子弟隨逐浮遊南北東西卜居莫定關

禁不脩任意取適如此之徒不可勝數不牙不復爲用百工爭棄其業混一之計事實闕如考課之方責辦無日流浪之徒更須精校今彊敵窺時邊黎胥隙內民不平久戍懷怨戰國之勢竊謂危矣必造禍源者北邊鎮戍之人也若夫一統之年持平用之者大道之計也亂離之期縱橫作之者行權之勢也故道不可久須文質以換情權不可恒隨滄隆以收物文質應世道形自安滄隆獲衷權勢亦濟然則王者計法之

趣化物之規圓方務得其境人物不失其地又
先帝時律令並議律尋施行令獨不出十餘年
矣臣以令之爲體即帝王之身也分廸百揆之
儀安置九服之節經緯三才之倫包羅六卿之
職措置風化之門作用賞罰之要乃是爲之
樞機世法之大本也然脩令之人亦皆博古依
古撰置大體可觀比之前令精麤有在但議
之家太用古制若全依古高祖之法復須昇降
誰敢措意有是非哉以是爭故久廢不理然律

令相須不可偏用今律班令止於事甚滯若令不班是無典法臣下執事何依而行臣等脩律非無勤止署下之日臣乃無名是謂農夫盡力他食其秋功名之所實懷於悒未幾出除濟陰太守還歷司徒功曹參軍步兵長水校尉正光初兼中書侍郎使高麗還爲鎮遠將軍右軍將軍久之爲徐兗和耀使還朝大陳軍國利害不報紹又表曰臣聞文質互用治道以之緝熙洋洋得時人物以之通濟故能事恢三靈仁洽九

服伏惟陛下應靈踐阼沖明照物宰輔忠純伊
霍均美既致昇平之基應成無爲之業而漠北
叛命隴右構逆中州驚擾民庶竊議其故何哉
皆由上法不通下情怨塞故也臣雖愚短具鑒
始末往在代都武質而治安中京以來文華而
政亂故臣昔於太和極陳得失具論四方華夷
心態高祖垂納文應可尋延昌正光奏跡頻上
主者收錄不蒙報問即日事勢乃至於此盡微
臣豫陳之驗今東南有竊號之豎西北有逆命

之寇豈得怨天實尤人矣臣今不憂荒外正慮
中畿急須改張以寧其意若仍持疑變亂尋作
肘腋一乖大事去矣然臣奉國四世欣戚是同
但職在冗散不關樞密寧濟之計欲陳無所可
謂經緯甚多無機可織夫天下者大器也正
難傾一傾難正當今之危攝足之急臣備肉食
痛心無已泣血上陳願垂採察若得言參執事
獻可替否寇逆獲除社稷稱慶雖死如生犬馬
情畢紹性抗直每上封事常至懇切不憚犯忤

但天性踈脫言乍高下時人輕之不見採納紹
兄世元早卒世元善彈箏紹後聞箏聲便涕泗
嗚咽捨之而去世以此尚之除驍騎將軍使吐
谷渾還爲太府少卿曾因朝見靈太后謂曰卿
年稍老矣紹曰臣年雖老臣節乃少太后笑之
遷右將軍太中大夫紹曾與百寮赴朝東掖未
開守門俟旦紹於衆中引吏部郎中辛雄於衆
外竊謂之曰此中諸人尋當死盡唯吾與卿猶
享富貴雄甚駭愕不測所以未幾有河陰之難

紹善推祿命事驗甚多知者異之建義初除衛
尉少卿將軍如故轉金紫光祿大夫永安中拜
太府卿以前參議正光壬子曆賜爵新昌子太
昌初遷左衛將軍右光祿大夫永熙二年卒時
年六十九贈都督冀瀛滄三州諸軍事驃騎大
將軍尚書左僕射冀州刺史謚曰宣

子伯元襲齊受禪例降

伯元弟叔利右將軍太中大夫

紹從父弟瑜濟州長史

瑜弟彝字鳳倫太和中舉秀才稍遷步兵校尉
卒於武邑太守贈征虜將軍營州刺史

子伯融出繼瑜後武定末

太守

伯融嫡弟子寬開府田曹參軍

張普惠字洪賾常山九門人身長八尺容貌魁
偉父曄爲齊州中水縣令隨父之縣受業齊土
專心墳典剋厲不息及還鄉里就程玄講習精
於三禮兼善春秋百家之說多所窺覽諸儒稱
之太和十九年爲主書帶制局監與劉桃符石

榮劉道斌同貞共直頗爲高祖所知轉尚書都
令史任城王澄重其學業爲其聲價僕射李沖
曾至澄處見普惠言論亦善之世宗初轉積射
將軍澄爲安西將軍雍州刺史啓普惠爲府錄
事參軍尋行馮翊郡事澄功衰在身欲於七月
七日集會文武北園馬射普惠奏記於澄曰竊
聞三殺九親別疎昵之叙五服六術等衰麻之
心皆因事飾情不易之道者也然則莫大之痛
深於終身之外書策之哀除於喪紀之內外者

不可無節故斷之以三年內者不可遂除故敦
之日月禮大練之日鼓素琴蓋推以即吉也小
功以上非虞祔練除不沐浴此拘之以制也曾
子問曰相識有喪服可以與於祭乎孔子曰總
不祭喪何助於人祭既不與疑無宴食之道又
曰廢喪服可以與於饋奠之事乎子曰脫衰與
奠非禮也注云爲其志哀疾愚謂除喪之始不
與饋奠小功之內其可觀射乎雜記云大功以
下既葬適人食之其黨也食之非黨也不食

食猶擇人於射爲惑伏見明敎立射會之限將以二七令辰集城中文武肄武藝於北園行揖讓於中否時非大閱之秋景涉妨農之節國家繕禪甫除殿下功衰仍襲釋而爲樂以訓百姓便是易先王之典教忘哀戚之情恐非所以昭令德視子孫者也按射儀射者以禮樂爲本忘而從事不可謂禮鍾鼓弗設不可謂樂捨此二者何用射爲又七日之戲令制無之班勞所施慮違事體庫府空虛宜待新調三之趣停之

爲便乞至九月備飾盡行然後奏狸首之章宣
饗相之令聲軒懸建雲鉦神民忻暢於斯時也
伏惟慈明遠被万民是望舉動所書發言唯則
願更廣訪賜垂曲採昭其管見之心恕其讜言
之責則芻蕘無遺歌輿人有厭誦矣澄意納其
言託辭自罷乃荅曰文武之道自昔成規明恥
教戰振古常軌今雖非公制而此州乘前已有
斯式既不勞民損公任其私射復何失也且纂
文習武人之常藝豈可於常藝之間要須令制

乎比適欲依前州府相率王務之暇肄藝良辰
亦未言費用庫物也禮兄弟內除明哀已殺小
功客至主不絕樂聽樂則可觀武豈傷直自事
緣須罷先以令停方獲此請深具來意澄轉楊
州啓普惠以羽林監領鎮南大將軍開府主簿
尋加威遠將軍普惠既爲澄所知歷佐二藩甚
有聲譽旋京之日裝束藍縷澄賚絹二十四以
充行資還朝仍羽林監又澄遭太妃憂臣寮爲
立碑頌題碑欲去康正元妃之婢澄訪於普惠

荅曰謹尋朝典但有王妃而無元字魯夫人孟
子稱元妃有欲下與繼室聲子相對今烈懿太
妃作配先王更無聲子仲子之嫌竊謂不假元
字以別名位且以氏配姓愚以為在生之稱故
春秋夫人姜氏至自齊既葬以謚配姓故注書
葬我小君文姜氏又曰來歸夫人成風之襚皆以
謚配姓古者婦人從謚今烈懿太妃德冠一世
故特蒙褒錫乃万代之高事豈容於定名之重
而不稱烈懿乎澄從之及王師大舉重征鍾離

普惠爲安樂王詮別將長史班師除揚烈將軍相州安北府司馬遷步兵校尉後以本官領河南尹丞世宗崩坐與甄楷等飲酒遊從免官驍騎將軍刁整家有舊訓將營儉葬普惠以爲矯時太甚與整書論之事在刁雍傳故事免官者三載之後降一階而叙若才優擢授不拘此限熙平中吏部尚書李韶奏普惠有文學依才優之例宜特顯叙勅除寧遠將軍司空倉曹參軍朝議以不降階爲榮時任城王澄爲司空表議

書記多出普惠廣陵王恭北海王顥疑爲所生
祖母服朞與三年博士執意不同詔群寮會議
普惠議曰謹按二王祖母皆受命先朝爲二國
太妃可謂受命於天子爲始封之母矣喪服慈
母如母在三年章傳曰貴父命也鄭注云大夫
之妾子父在爲母大功則士之妾子爲母朞父
卒則皆得申此大夫命其妾子以爲母所慈猶
曰貴父命爲之三年況天子命其子爲列國王
命其所生母爲國太妃反自同公子爲母練冠

之與大功乎輕重顛倒不可之甚者也傳曰始封之君不臣諸父昆弟則當服其親服若魯衛列國相爲服朞判無疑矣何以明之喪服君爲姑姊妹女子嫁於國君者傳曰何以大功尊同也尊同則得服其親服諸侯之子稱公子公子不得禫先君然則兄弟一體位列諸侯自以尊同得相爲服不可還準公子遠獻天王故降有四品君大夫以尊降公子大夫之子以獻降名例不同何可亂也禮大夫之妻子以父命慈已

申其三年太妃既受命先帝光昭一國二王胙
土茅社顯錫大邦含尊同之高據附不禰之公
子雖許蔡失位亦不是過服問曰有從輕而重
公子之妻爲其皇姑公子雖厭妻尚獲申況廣
陵北海論封則封君之子語妃則命妃之孫承
妃篡重遠別先皇更以先后之正統厭其所生
之祖嫡方之皇姑不以遙乎今旣許其申服而
復限之以朞慈母不亦爽歟經曰爲君之
祖父母父母妻長子傳曰何以朞父母長子君

服斬妻則小君父卒然後爲祖後者服斬今祖乃獻文皇帝諸侯不得祖之母爲太妃蓋二王三年之證議者近背正經以附其類差之毫毛所失或遠且天子尊則配天莫非臣妾何爲命之爲國母而不聽子服其親乎記曰從服者所從亡則已又曰不爲君母之黨服則爲其母之黨服今所從既亡不以親服服其所生則屬從之服於何所施若以諸王入爲公卿便同大夫者則當今之議皆不須以國爲言也今之諸王

自同列國雖不之國別置臣寮玉食一方不得
以諸侯言之敢據周禮輒同三年當時議者亦
有同異國子博士李郁於議罷之後書難普惠
普惠據禮還荅鄭重三返郁議遂屈轉諫議大
夫澄謂普惠曰不喜君得諫議唯喜諫議得君
時靈太后父司徒胡國珍薨死贈相國太上秦公
普惠以前世后父無太上之號詣闈上疏陳其
不可左右畏懼莫敢爲通會間胡家穿墳下墳
有磐石乃密表曰臣聞優名寶位王者之所光

錫尊君愛親臣子所以慎終必使勳績相侔號
秩相可然後能顯揚當時傳徽方代者矣竊見
故侍中司徒胡公懷道含靈實誕聖后載育至
尊母儀四海近樞克唯允之寄居槐體論道之
明故以功餘九錫襄假鑾壽縣深聖上之加隆極
慈后之至愛憲章天下不亦可乎而太上之號
竊謂未衷何者易稱天尊地卑乾坤定矣故曰
大哉乾元又曰至哉坤元明乾坤不可並大禮
記曰天無二日土無二王嘗禘郊社尊無二上

明君臣不可並上伏見詔書以司徒爲太上秦
公夫人爲太上秦君夫人蒙號於前司徒繫之
於後尊光之美盛矣竊惟高祖受禪於獻文皇
帝故仰尊爲太上皇此因上上而生名也皇太
后稱令以繫勅下蓋取三從之道遠同文母列
於十亂則司徒之爲太上恐乖繫勅之意春秋
傳曰葬稱公臣子辭明不可復加上也書曰茲
予大饗于先王余祖其從與饗之司徒位尊屬
重必當配饗先朝稱太上以爲臣以事太上皇

恐非司徒翼翼之心漢祖創有天下尊父曰太上皇母曰昭靈后乃帝者之事晉有小子侯尚曰僭之於天子司徒三公也其可同號於帝乎孔子曰必也正名名不正則言不順言不順則事不成事不成則禮樂不興禮樂不興則刑罰不中刑罰不中則民無所措手足易曰有大者不可以盈故受之以謙謙尊而光卑而不可踰天道虧盈而益謙地道變盈而流謙鬼神害盈而福謙人道惡盈而好謙又曰困於上者必反

於下故受之以井比堯吉定兆而以淺改卜群
心悲惋亦或天地神靈所以垂至戒啓聖情伏
願聖后回日月之明察微臣之請停司徒逼同
之號從卑下不踰之稱畏困上之鑒邀謙光之
福則天下幸甚臣聞見災脩德災變成善此太
戊所以興殷桑穀以之自滅況今卜遷方始當
脩革之會愚以爲無上之名不可假之脫譏於
千載恐貽不言之咎且君之於臣比堯三臨之
禮也司徒誠爲后父實人臣也雖子尊不加於

父乃天下母以義斷恩不可遂在室之意故曰
女子有行遠父母兄弟況乃應坤之載承天之
重而朔望於司徒之殯晨昏於郊墓之間雖聖
思蒸蒸其不虞宜戒離宸極之嚴居疲雲蹕於
道路此亦億兆蒼生瞻仰失圖伏願尋載馳之
不歸存靜方之光大則草木可繁人靈斯穆臣
職忝諫司敢獻狂瞽謹冒上聞不敢宣露乞垂
省覽昭臣微款脫得奉謁聖顏曲盡愚衷者死
且不朽太后覽見表親至國珍宅召集王公八座

卿尹及五品已上博議其事遣使召普惠與相
問答又令侍中元叉中常侍賈瓌監觀得失任
城王澄問普惠曰漢高作帝尊父爲太上皇今
聖母臨朝贈父太上公求之故實非爲無準且
君舉作則何必循舊對曰天子稱詔太后稱令
故周臣十亂文母預焉仰思所難竊謂非匹澄
曰前代太后亦有稱詔聖母自欲存謙光之義
故不稱耳何得以詔令之別而廢嚴父之孝對
曰后父太上自昔未有前代母后豈不欲尊崇

其親王何以不遠謨古義而近順今旨未審太后何故謙於稱詔而不謙於太上竊願聖后終其謙光太傅清河王擇曰昔在僭晉褚氏臨朝殷浩遺褚裒書曰足下今之太上皇也況太上公而致疑對曰褚裒以女輔政辭不入朝淵源譏其不恭故有太上之刺本稱其非不記其是不謂殿下以此賜難侍中崔光曰張生表中引晉有小子侯出自鄭注非爲正經對曰雖非正經之文然正經之旨公好古習禮復固斯難

御史中尉元匡因謂崔光曰張表云晉之小子
侯以號同稱僭今者太上公名同太上皇比晉
小字義似相類但不學不敢辨其是非普惠對
曰中丞既疑其是不正其非豈所望於三獨尚
書崔亮曰諫議所見正以太上之號不應施於
人臣然周有太公尚父亦兼二名人臣尊重之
稱固知非始今日普惠對曰尚父者有德可尚
太上者上中之上名同義異此亦非並亮又曰
古有文王武王亦有文子武子然則太上皇太

上公亦何嫌其同也普惠對曰文武者德行之
迹故迹同則謚同太上者尊極之位豈得通施
於臣下廷尉少卿袁翻曰周官上公九命上大
夫四命命數雖殊同爲上何必上者皆是極尊
普惠厲聲訶翻曰禮有下卿上士何止大夫與
公但今所行以太加上二名雙舉不得非極雕
蟲小藝芸微或相許至於此處豈卿所及翻甚有
慙色默不復言任城王澄曰諫諍之體各言所
見至於用捨固在應時卿向荅袁氏聲何太厲

普惠對曰所言若是宜見採用所言若非懼有
罪及是非須辨非為苟競澄曰朝廷方開不諱
之門以廣忠言之路卿今意在向義何云乃慮
罪罰議者咸以太后當朝志相崇順遂奏曰張
普惠辭雖不屈然非臣等所同渙汗已流請依
前詔太后復遣元叉賈璡宣令謂普惠曰朕向
召卿與群臣對議往復既終皆不同卿表朕之
所行孝子之志卿之所陳忠臣之道群公已有
成議卿不得苦奪朕懷後有所見勿得難言普

惠於是拜令辭還初普惠被召傳詔馳驛留馬來甚迅速佇立催去普惠諸子憂怖涕泣普惠謂曰我當休明之朝掌諫議之職若不言所難言諫所難諫便是唯唯曠官戶祿人生有死死得其所夫復何恨然朝廷有道汝輩勿憂及議罷旨勞還宅親故賀其幸甚時中山莊弼遺書普惠曰明侯淵儒願學身負大才秉此公方來居諫職謇謇如也謗謗如也一昨承胡司徒第當面折庭諍雖問難鋒至而應對響出宋城之

帶始繫魯門之柝裁警終使群后逡巡庶寮拱
默雖不見用於一時固已傳美於百代聞風快
然敬裁此自普惠美其此書每爲口實普惠
以天下民調幅度長廣尚書計奏復徵綿麻恐
其勞民不堪命上疏曰伏聞尚書奏復綿麻之
調尊先皇之軌夙宵惟度忻戰交集何者聞復
高祖舊典所以忻惟新俱可復而不復所以戰
違法仰惟高祖廢大斗去長尺改重秤所以愛
万姓從薄賦知軍國須綿麻之用故云幅度之

間億兆應有綿麻之利故綃上稅綿八兩布上
稅麻十五斤百姓得廢大斗去長尺改重秤荷
輕賦之饒不適於綿麻而已故歌舞以供其賦
奔走以役其勤天子信於上億兆樂於下故易
曰悅以使民民忘其勞此之謂也自茲以降漸
漸長闊百姓嗟怨聞於朝野伏惟皇太后未臨
朝之前陛下居諒闇之日宰輔不尋其本知天
下之怨綿麻不察其輻廣度長秤重斗大革其
所弊存其可存而特放綿麻之調以悅天下之

心此所謂悅之不以道愚臣所以未悅者尚
書旣知國少綿麻不惟法度之易民言之可
畏便欲去天下之大信棄已行之成詔追前之
非遂後之失奏求還復綿麻以充國用不思庫
中大有綿麻而群官共竊之愚臣以爲於理未
盡何者今宮人請調度造衣物必度忖秤量絹
布匹有尺丈之盈一猶不計其廣絲綿斤兼百銖
之剩未聞依律罪州郡若一匹之濫一斤之惡
則鞭戶主連三長此所以教民以貪者也今百

官請俸人樂長闊并欲厚重無復準極得長闊
厚重者便云其州能調絹布精闊且長橫發美
譽以亂視聽不聞嫌長惡廣求計還官者此百
司所以仰負聖明也今若必復綿麻者謂宜先
令四海知其所由明立嚴禁復本幅度新綿麻
之典依太和之稅其在庫絹布并及絲綿不依
典制者請遣一尚書與太府卿左右藏令依今
官度官秤計其斤兩廣長折給請俸之人摠常
俸之數千俸所出以布綿麻亦應其一歲之用

使天下知二聖之心愛民惜法如此則高祖之
軌中興於神龜明明慈信照布於無窮則孰不
幸甚伏願亮臣惶惶之至下慰蒼生之心並惠
又表乞朝直之日時聽奉見自此之後月一陞
見又以肅宗不親視朝過崇佛法郊廟之事多
委有司上疏曰臣聞明德卽祀成湯光六百之
祚嚴父配天孔子稱周公其人也故能馨香上
聞福傳遐世伏惟陛下重暉纂統欽明文思天
地屬心百神佇望故宜敷崇祀禮咸秩無文而

告朔朝廟不親於明堂嘗禘郊社多委於有司觀射遊苑躍馬騁中危而非典豈清蹕之意殖不思之冥業損巨費於生民減祿削力近供無事之僧崇飾雲殿遠邀未然之報昧爽之臣稽首於外玄寂之衆遨遊於內愆禮忤時人靈未穆愚謂從朝夕之因求祗劫之果未若先万國之忻心以事其親使天下和平災害不生者也伏願淑慎威儀万邦作式躬致郊廟之虔親紓朔望之禮釋奠成均竭心千畱明發不寐絜誠

禋裸孝悌可以通神明德教以燭光四海則一人有喜兆民賴之然後精進三才信心如來道由禮深故諸漏可盡法隨禮積故彼岸可登量撤僧寺不急之華還復百官久折之秩已興之構務從簡成將來之造權令停息仍舊亦可何必改作庶節用愛人法俗俱賴臣學不經遠言多孟浪忝職其憂不敢默爾尋別勅付外議釋奠之禮時史官剋日蝕豫勅罷朝普惠以逆廢非禮上疏陳之又表論時政得失一曰審法度

平斗尺租調務輕賦役務省二曰聽輿言察怨
訟先皇舊事有不便於政者請悉追改三曰進
忠謇退不肖任賢勿貳去邪勿疑四曰興滅國
繼絕世勲親之胤所宜收叙書奏肅宗靈太后
引普惠於宣光殿隨事難詰延對移時令寧
有先皇之詔一翻改善惠惄俛不言令曰卿
似欲致諫故以左右有人不肯苦言朕爲卿屏
左右卿其盡陳之對曰聖人之養庶物愛之如
傷況今二聖纂承洪緒妻承夫子承父夫父之

不可安然仍行豈先帝傳委之本意仰惟先帝
行事或有司之謬或權時所行在後以爲不可
者皆追而正之聖上忘先帝之自新不問理之
伸屈一皆抑之豈蒼生黎庶所仰望於聖德太
后曰小小細務一翻動更成煩擾益普惠曰聖
上之養庶物若慈母之養赤子今赤子幾臨危
壑將赴水火以煩勞而不救豈赤子所望於慈
母太后曰天下蒼生寧有如此苦事普惠曰天
下之親懿莫重於太師彭城王然遂不免枉死

微細之苦何可得無太后曰彭城之苦已封其三子何足復言普惠曰聖后封彭城之三子天下莫不忻至德知慈母之在上臣所以重陳者凡如此枉乞垂聖察太后曰卿云興滅國繼絕世滅國絕世竟復誰是普惠曰昔淮南逆終漢文封其四子蓋骨肉之不可棄親親故也竊見故太尉咸陽王冀州刺史京兆王乃皇子皇孫一德之虧自貽悔戾沈淪幽壤繩焉弗收豈是興滅繼絕之意乞收葬二王封其子孫愚臣

之願太后曰卿言有理朕深戢之當命公卿博
議此事及任城王澄薨普惠以吏民之義又荷
其恩待朔望奔赴至於禫除雖寒暑風雨無不
必至初澄嘉賞普惠臨薨啓爲尚書右丞靈太
后旣深悼澄覽啓從之詔行之後尚書諸郎以
普惠地寒不應便居管轄相與爲約並欲不復
上省紛紜多日乃息正光二年詔遣楊鈞送蠕
蠕主阿那瓌還國普惠謂遣之將貽後患上疏
曰臣聞乾元以利貞爲大非義則不動皇王以

博施爲功非類則不從故能始万物而化天下者也伏惟陛下睿哲欽明道光虞舜八表宅心九服清晏蠕蠕相害於朔垂妖師扇亂於江外此乃封豕長蛇不識王度天將悔其罪所以奉皇魏故荼毒之辛苦之令知至道之可樂也宜安民以悅其志恭已以懷其心而先自勞擾艱難下民興師郊甸之內遠投荒塞之外救累世之勍敵可謂無名之師諺曰唯亂門之無過愚情未見其可當是邊將窺竊一時之功不思兵爲

凶器不得已而用之者也夫白登之役漢祖親
困之樊噲欲以十万衆橫行匈奴中季布以爲
不可請斬之千載以爲美況今旱酷異常聖慈
降膳乃以万五千人使楊鈞爲將而欲定蠕蠕
忤時而動其可濟乎阿那瓌投命皇朝撫之可
也豈容困疲我兆民以資天喪之虜昔莊公納
子糺以致乾時之敗魯僖以邾國而有懸胄之
恥今蠕蠕時亂後主繼立雖云散亡安知虞難抑
脫有井陘之慮楊鈞之內其可食乎高車蠕蠕

連兵積年飢饉相仍須其自斃死小亡大傷然後一舉而并之此卞氏之高略所以獲兩虎不可不圖之今土山告難簡書相續蓋亦無能爲也正與今舉相會天其或者欲以告戒人不欲使南北兩疆並興大衆脫狂狡構間於其間而復事連中國何以寧之今宰輔專欲好小名不圖安危大計此微臣所以寒心者也那壞之不還負何信義此機之際北師宜停臣言不及義文書所經過不敢不陳兵猶火也不戢將自焚三

虜自滅之形可以爲殷鑒伏願輯和方國以靜
四疆混一之期坐而自至矣且愚昧多違必無
可採匹夫之智願以呈獻表奏詔荅曰夫窮鳥
歸入尚或興惻況那壞嬰禍流離遠來依庇在
情在國何容弗矜且納亡熙喪有國大義皇魏
堂堂寧廢斯德後主亂亡似當非謬此送彼迎
想無拒戰國義宜表朝筭已使卿深誠厚慮朕
用嘉戢但此段機略不獲相從脫後不逮勿憚
匡言時蕭衍義州刺史文僧明舉城歸順揚州

刺史長孫稚遣別駕封壽入城固守衍將裴遂
湛僧率衆攻逼詔普惠爲持節東道行臺攝軍
司赴援之軍始渡淮而封壽已棄城單馬而退
軍罷還朝蕭衍弟子西豐侯正德詐稱降款朝
廷頗事當迎普惠上疏請赴揚州移還蕭梁不
從俄而正德果逃還涼州刺史石士基行臺充
洪超並贓貨被繩以普惠爲右將軍涼州刺史
即爲西行臺以病辭免除光祿大夫右丞如故
先是仇池武興群氏數反西垂郡戍租運久絕

詔普惠以本官爲持節西道行臺給秦岐涇華
雍豳東秦七州兵武三万人任其分召發送南秦
東益三州兵租分付諸戍其所部將統聽於關
西牧守之中隨機召遣軍資板印之屬悉以自
隨普惠至南秦停岐涇華雍豳東秦六州兵武
召秦州兵武四千人分配四統令送租兵連營
接柵相繼而進運租車驢隨機輸轉別遣中散
大夫封答慰喻南秦貞外常侍楊公熙宣勞東
益氐民於時南秦氐豪吳富聚合兇類所在邀

劫公熙既至東益州刺史魏子建密與普惠書
言公熙舊是蕃國之僕而諸氏與相見者必有
陰私言宜加圖防普惠乃符攝公熙令赴南秦
公熙果已密遣其從兄山虎與吳富同逆又妄
自說鄉里紛動群氐託云與雀南秦有隙拒而
不赴租達平落吳富等果憤車營實公熙所潛
遣也後吳富雖爲左右所殺而徒黨猶盛秦
所綰武都武階租頗得達東益群氐先款順故
廣業仇鳩河池三城粟使得入其應入東益十

万石租比日稽留費盡升斗不至鎮戍兵武遂致
飢虛咸恨普惠惠經略不廣事訖普惠表按効
公熙還朝賜絹布一百段時詔訪冤屈普惠上
疏曰詩稱文王孫子本枝百世易曰大君有命
開國承家皆所以明德睦親維城作翰漢祖封
爵之誓曰使黃河如帶太山如礪國以永存爰
及苗裔又申之以丹書之信重之以白馬之盟
其以彊大分王罪犯蹙邑者蓋有之矣未聞父
基子構世載忠賢一死一削用爲恒典者也故

尚書令臣肇未能遠稽古義近究成旨以初封之詔有親王二千戶始蕃一千戶二蕃五百戶三蕃三百戶謂是親疎世減之法又以開國五等有所減之言以爲世減之趣遂立格奏奪稱是高祖本意仍被旨可差謬之來亦已甚矣遂使勲親懷屈幽顯同冤紛訟彌年莫之能息臣輒遠研旨格深窮其事世變減奪今古無據又尋詔書稱昔未可采今始列璧疑豈得混一內分天近也故樂良樂安同蕃異封廣陽安豐屬別

戶等安定之嫡邑齊親王河間戚近更從蕃食
是乃太和降旨初封之倫級勳親兼樹非世減
之大驗者也博陵襲爵亦在太和之年時不世
減以父賞全食足戶充本同之始封減從令式
如此則減者減其所足之外足者足其所減之
內減足之旨乃爲所貢所食耳欲使諸王開國
弗專其民賦役之差貴賤有等蓋準擬周禮公
侯伯子男貢稅之法王食其半公食三分之一
侯伯四分之一子男五分之一是以新興得足

充本清淵吏多減戶故始封承襲俱稱戶減謂
減之以貢食謂食之於國斯實高祖需然之詔
減實之理聖明自釋求之史帛猶有未盡時尚
書臣琇疑減足之參差旨又判之以開訓所減
之旨可以不疑於世減矣而臣肇弗稽往事曰
五等有所減之格用爲世減之法以王封有親
疎之等謂是代削之條妄解成旨雷同世奪以
此毒天下民其從乎故太傅任城文宣王臣澄
樞弼累朝識洞今古爲尚書之日殷勤執請攷

致於重議被旨不許於此遂停又律罪例減及
先帝之總麻令給親恤止當母之有服律令相
違威澤異品使七廟曾玄不治未恤嫡封爵
祿無窮枝庶則屬內貶絕儀刑作孚億非何觀
夫一人吁嗟尚曰虧治今諸王五等各稱其寃
七廟之孫並訟其切陳訴之按盈於省曹朝言
巷議咸云其苦恐非先王所以建万國親諸侯
睦九族之義也臣猥忝今任於茲五年推尋旨
格謂無世減之理請近遵高祖減食之謨遠循

百代象賢之誥退由九伐進從九儀則刑罰有
倫封不虛黜斯乃文王所以克慎不敢侮於鯀
寡而況於公侯伯子男乎今旨訪寃滯愚以此
爲大者求尋光錫之詔并諸條格所奪所請事
事窮審諸王開國非犯罪削奪者並還復其
昔嘗全食足戶充本減從令式者從前則力多
於親懿全奪則減足之格不行愚謂祿力並應
依所 之食而食之若是則力少蕃王粟帛仍
本戶邑雖盈之減兩秦既有全食足戶之異故

不得同於新封之力耳親恤所衷請依律斷伏
惟親親尊賢位必功立尊賢以司民可不慎乎
親親以牧族其可棄乎如脫蒙允求以旨判爲
始基前來吏秩悉年久不追臣又聞明德慎罰
文王所以造周咸有一德殷湯所以革夏故能
上令下從風動草偃畏之如雷電敬之如明神
是以天子家天下綏万國若天之無不覆地之
無不載遷都之構庶方子來汎澤所沾降及陪
皂寧有岳牧二千石縣令丞尉治中別駕及諸

軍幢受命於朝廷而可不預乎此之班駁雲雨之不平謂是當時有司出納之未允何以明之仰尋世宗詔書百官普進一級中有朝臣刺史登時褒授則內外貴賤莫不同澤又覆奏稱爰及陪皂明無不逮自後人率其心紛綸盈庭嫌少誤惑視聽限以汎前更爲年斷六年三年之考以意折之汎前汎後之歲隔而絕之遂使如綸之旨頓於一朝汎前六年上第者全不得汎三年上第者蒙半階而已汎前汎後合考者隔

絕而不得無考者無折而全汎前汎後有考無
考並蒙全汎與否乖違勤舊彌屈差若毫釐
謬以千里其此之謂乎易曰言行君子之所以動
天下可不慎歟言之不從無以抑之遂奏奪牧
守外祿全不與汎散官改爲四年之考汎前者
八年一階政令不一冤訟惟甚與而復奪其奉
在茲致使邀駕擊鼓者無理以加其罪誹謗公
聽者無辭以抑其言噂沓所由生慢勃所由起
夫琴瑟不調澆而更張善人國之本也其可棄

乎詩云樂只君子邦家之基堯典曰克明俊德
呂刑曰何擇非人周官曰官弗必備惟其人咎
繇曰無曠庶官天工人其代之詩云人之云亡
邦國殄悴又曰雨我公田遂及我私孔子曰不
患貧而患不均如此則官必擇人況則宜溥請
遠遵正始元旨近準聖明二沉內外百官悉同
一階不以汎前折考不以散任增年則同雲共
澍四海均洽如謂未可宜以權理折之易曰聖
人之大寶曰位何以守位曰仁春秋傳曰一曰

擇人如此則乃可無汎不可無考守宰之汎既以追奪則百官之汎不應獨霑溥澤既收復誰敢怨夫三載之考興於太和再周之陟通於景明開勦祿力自有加減陪臣以事省降而考則三年朝官既祿等平曹更四周乃陟考祿參差各稱其枉且一日從軍征戍苦於煩任終年專使決斷重於陪臣恒上若通為三載之考無汎隔折則各盈其分亦足以近塞群口遠綏四方日昧求賢猶有所失況不選擇人之訓唯以停

久而進乎自今已後考黜願以三宅革心選進
願以三雋居德書曰舉能其官惟爾之能稱非
其人惟爾弗任斯周道所以佑辟康民敢不敬
守臣忝官樞副毗察寃訟寢寐惟省謂宜追正
愚固所陳方無可採出除左將軍東豫州刺史
淮南九戌十三郡猶因蕭衍前弊別郡異縣之
民錯雜居止普惠乃依次括比省減郡縣上表
陳狀詔許之宰守因此綰攝有方姦盜不起民
以爲便蕭衍遣將胡廣來寇安陽軍主陳明祖

等脩白沙鹿城二戍衍又遣定州刺史田超秀
由僧達等竊陷石頭戍徑據安波城郢州新塘
之賊近在州西數十里普惠前後命將拒戰竝
破之普惠不營財業好有進舉敦於故舊異
州人俟堅固少時與其遊學早終其子長瑜普
惠每於四時請祿無不減贍給其衣食及爲豫
州啓長瑜解褐攜其侖嗣拯給之孝昌元年三
月在州卒時年五十八贈平北將軍幽州刺史
謚曰宣恭

長子榮雋武定末齊王相府屬

榮雋弟龍子揚州驃騎府長史

史臣曰孫紹關右之士又能指論世務亦其志也張普惠明達典故彊直從官侃然不撓其有王臣之風矣

列傳第六十六

魏書七十八